

UGOVOR O NABAVCI RAČUNARSKIH POTREPŠTINA

MUP KANTONA SARAJEVO, ulica La Benevolencija broj 16, koje zastupa, ministar Admir Katica, (u daljem tekstu Kupac)

„ASPO RAIL“ d.o.o. Sarajevo, Alipašina broj 14, koje zastupa direktor Azra Pilavdžić, (u daljem tekstu Prodavac)

Član 1.

Predmet ovog ugovora je nabavka računarskih potrepština za potrebe Ministarstva unutrašnjih poslova Kantona Sarajevo, putem direktnog postupka, na osnovu Odluke broj 04-1-11-4-451 od 20.01.2025. godine i ponude Prodavca broj 25-010-000037 od 12.02.2025. godine. Ponuda je sastavni dio ovog Ugovora.

Član 2.

Vrijednost nabavke iz člana 1. ovog ugovora iznosi 5.595,50 KM bez PDV-a (pethiljadapetstotinadevedesetpet i 50/100 KM).
Plaćanje se vrši u roku od 60 (šezdeset) dana od dana isporuke i prijema računa.

Član 3.

Rok isporuke je 7 dana od dana obostranog potpisivanja ugovora i ispostavljanja narudžbe.

Član 4.

Kvantitativni prijem robe iz ovog Ugovora Kupac će kontrolisati prilikom prijema robe. Ukoliko kvantitet ne odgovara naručenom, Kupac neće primiti robu. Reklamacije na kvalitet Kupac može uložiti pismenim putem u roku od 8 dana prijema robe. Prodavac se obavezuje da će reklamaciju na kvalitet riješiti u roku od 3 dana. Garantni rok za isporučenu robu je prema garanciji proizvođača.

Član 5.

Ugovor stupa na snagu danom potpisivanja ovlaštenih predstavnika i traje do realizacije isporuke.

Član 6.

Ugovorne strane su saglasne da će se sve izmjene i dopune osnovnog ugovora regulisati aneksima ugovora.

Član 7.

Ukoliko poslije zaključenja ovog ugovora nastupe okolnosti više sile koje dovedu do ometanja ili onemogućavanja izvršenja obaveza definisanih okvirnim sporazumom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i uticaja strana u okvirnom sporazumu i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja, imperativne odluke vlasti i slično.

Strana u okvirnom sporazumu koja je pogođena višom silom, odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

Član 8.

Ugovorne strane su saglasne da sva eventualno sporna pitanja rješavaju dogovorom, štiteći obostrane interese.


U slučaju nemogućnosti zajedničkog rješenja eventualno nastalog spora, Ugovorne strane priznaju nadležnost Suda u Sarajevu.

Član 9.

Ovaj ugovor stupa na snagu danom obostranog potpisivanja i traje do konačne realizacije ugovora.

Član 10.


Ovaj ugovor sačinjen je u 4 (četiri) istovjetna primjerka, od kojih svaka ugovorna strana zadržava po 2 (dva) primjerka.



direktor, Azra Pilavdžić

Broj: 81/25

Datum: 19.02.2025.



ministar, Admir Katica

Broj: 04-1-11-4-451-1/25

Datum: 12.02.2025. godine